

Protocol no. 84
Sezzüda da lündeschdi, 3 schner 2010, 20.00 – 22.45

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 83 da la sezzüda dals 13 december 2010 vain approvà.

729 021 FABRICA
Jon Carl Rauch – Sanaziun energetica e gascha – Crusch

Il Cussagl cumünal decida da dar il permiss da fabrica, in assenza dal capo, seguaintamaing:

1. Tenor la dumonda acclusa al permiss da fabrica.
2. Il Cumün inchascha seguaintas taxas tenor il reglamaint da taxas e sia aggiunta:

- taxa da trattamaint, prov.			fr.	180.--
- taxa d'attach d'aua, prov.	1.5	%	fr.	2'700.--
- taxa d'attach chanalisaziun e sarinera, prov.	2.0	%	fr.	3'600.-- excl. ipv.
- taxa d'attach provedimaint electric, prov.	1.0	%	fr.	1'800.-- excl. ipv.
3. Pel rinforz da l'attach electric vain inchaschè tenor art. 17 dal reglamaint da taxas e las indicaziuns dal controllör da las OEE.
4. Las indicaziuns da la pulizia da fö sun part integrala dal permiss da fabrica.

731 830 TURISSEM
Museum pauril (Rüedlinger) – Dumonda da sustegn

Il schef turissem orientescha cha la cumischiun turistica haja trattà la dumonda da sustegn e ch'ella haja taxà aint la sporta sco na ideala.

Il Cussagl cumünal decida da seguir a la proposta da la cumischiun turistica da na pudair sustegner il museum pauril cun raps dal man public.

733 11 PULIZIA
Reclomaziuns da sveltezza

Il Cussagl cumünal piglia incunter l'infuormaziun chi saja gnü dit cha'ls taxis trafichan tras cumün cun üna sveltezza plü gronda sco admiss. Las reclomaziuns vegnan dattas inavant a la pulizia chantunala.

734 300.365.50 Contribuziuns e donaziuns diversas
Proget da chant Sent – Dumonda da sustegn finanziel

Ün team da magistras e magisters da la scoula da Sent ha l'intenziun da realisar ün proget da chant per creschüts culla partecipaziun da la 5 e 6avla classa. Quist proget dess in prüma lingia avair il böt da svagliar il plaschair vi dal chant e vi da la musica e da promover la cumünanza, ma eir da spordscher a noss scolars ed als creschüts ün evenimaint cultural. Ils organisateurs fan quint cun ün deficit da ca. fr. 4'000.--.

Il Cussagl cumünal decida da sustgnair quist proget cun ün import da fr. 1'000.--.

735 860.435.03 Vendita da forza ecologica
Implant fotovoltaic Palüzot

Il schef d'energia orientescha cha l'implant haja gnü dal 2010 üna surproducziun, adonta d'ün on cun relativ pac sulai, dad 11.7 %.

Orientaziuns

Pro idioms

Als 14 schner 2011 ha lö la radunanza da fundaziun da la societä Pro Idioms a Zernez. La Pro Idioms vain fundada culla mera da mantegner e promover ils idioms in scoula cun mezs d'instrucziun idiomatics.

L'actuar: